

Nicole Hoevertsz nombra pa ta den Comision Huridico y Comision Deporte y Ley di Comité Olimpico Internacional

ORANJESTAD/SUISA - For di Lausanne, Suiza, Comité Olimpico Arubano a haya e grato noticia cu su Secretaria General y alabes Miembro di I.O.C., Nicole Hoevertsz a caba di wordo nombra den dos comision mas di Comité Olimpico Internacional. Ta asina cu Presidente di IOC, Thomas Bach a punta Hoevertsz pa drenta e asina yama Comision Huridico (Juridical Commission) y e Comision di Deporte y Ley (Sport and Law Commission). Anteriormente ya caba Sra.

Hoevertsz ta formando parti di diferente comision di Comité Olimpico Internacional, manera e Comision di Hende Muhe y Deporte (Women and Sport Commission), miembro di Comision di Coordinacion encarga cu e Weganan Olimpico di Rio 2016 (Coordination Commission for the Games of the XXXI Olympiad - Rio de Janeiro 2016), miembro di e Comision di Coordinacion encarga cu e Weganan Olimpico di Tokyo 2020 (Coordination Commission

for the Games of the XXXI Olympiad- Tokyo 2020) y por ultimo e Comision di Relacionnan Internacional (International Relations Commission). Comité Olimpico Internacional ta conta cu un total maximo di 115 Miembro cu ta ehecuta nan tareanan general pa e organizacion, pero cu durante aña ta aporta na ehecucion di e tareanan di no menos cu 24 comision. Cu e nombramento aki, Presidente di IOC ta haci uzo di e conocimiento huridico di Nicole Hoevertsz

(cu ta gradua como hurista) pa temanan cu ta di importancia pa IOC y su partnernan.

Comité Olimpico Arubano ta masha contento y orguyoso di ambos nombramento di Hoevertsz den dicho comisionnan di IOC. A keda demonstra cu un biaha mas, IOC y su presidente, Thomas Bach a deposita nan confiansa den Sra. Hoevertsz. Pa Nicole Hoevertsz esaki lo ta un otro etapa mas como miembro di IOC, unda ambos tarea lo bay ta un responsabilidad grandi, pero mirando e forma



con Hoevertsz a bin ta traha den su añanan como miembro di IOC, no tin duda cu su persona lo traha duro na bienestar di e atleta y su deporte. □